



Zernez Energia 2020 - dumonda da sustegn

Ün'ulteriura dumonda da sustegn per sanaziuns energeticas d'abitaculs illa fracziun da Zernez our dal fondo Zernez Energia 2020 es gnüda approvada.

OEE SA, Zernez - spazi da serra e d'aspet per autos - stagiun 2023/24

Il Cumün da Zernez ha acconsenti a las OEE SA il permiss per pudair far adöver la stagiun d'inviern 2023/24 la parcella no. 0872 respectiv üna part da quista parcella sco spazi da serra e d'aspet per autos pel trafic chi van tras il tunnel Munt la Schera.

Aua da baiver - filters e vierchels da vascas – surdatta da lavur

Tenor las ultimas controllas da QS (sgürezza da qualità) esa pro diversas vascas d'aua da baiver da rimplazzar urgiaintamaing ils filters d'ajer. Quist es il cas pro tuot las vascas chi cuntagnan au averta. Pro la funtana «Funtana d'Eras» a Lavin sun implü duos vierchels defet e nu correspuondan plü a las pretaisa d'igierna. Ils filters sco eir las vascas ston tenor decret dal uffizi ALT GR gnir rimplazzà fin la fin dal 2023. Las lavurs da mantegniment sun gnüdas surdattas a la ditta HWT AG, Au.

Sanaziun sarinera Zernez - lavurs da serrürier - surdatta da lavur

In connex cun la sanaziun da la sarinera Zernez sun gnüdas surdattas las lavurs da serrürier a la ditta Rauch Metallbau AG, Zernez.

Zernez, Sarsura - refacziun via da god - surdatta da lavur e credit supplementar

Causa il proget dal provedimaint electric ed au a Sarsura es la via da god Sarsura gnüda ütilisada fich ferm ed es uossa in ün nosch stadi. Per evitar ün mosaïc da flics dess gnir refatta tuot la via suot ün scumpart da cuosts tanter il Cumün da Zernez e la ditta d'impresari. La suprastanza cumünala ha deliberà ün credit supplementar da 20'000 chf per quista lavur e surdat l'incumbenza a la firma Flura Agrar GmbH, Müstair.

Zernez - rimplazzamaint chnalisaziun Prà da Chastè - credit supplementar

Cun las lavurs da s-chaf in connex cul proget «Runatsch/Palü – schlargiamaint s-chodamaint central» as ha constatà cha la chnalisaziun lung il Prà dal Chastè es fich veglia ed in ün fich nosch stadi. Insembel cul büro da planisaziun e l'impraisa da fabrica es gnü miss insembel ün proget per rimplazzar la lingia da chnalisaziun pertocca. Il gremi ha acconsenti il credit supplementar ill'otezza da 40'000 chf per quist proget.

Il Cumün da Zernez ha acconsenti ils seguaints permiss da fabrica:

Parcella no. 0833, Josias Gasser Baumaterialien AG, Zernez – reclama

Parcella no. 0951, Sunrise Communications AG, Zernez – restructuraziun indriz da func

Parcella no. 1253, Schorta Fabian ed Ursina, Zernez – saiv da lain e saiv viva

Parcella no. 1280, Furger Christian e Rosalia, Brail – suosta per laina d'arder

Suprastanza cumünala in fracziun

Il Cumün da Zernez ha manà tras ils 20 gün 2023 il seguond inscunter da la suprastanza cumünala in fracziun. Il gremi ha pudü bivgnantar a raduond 30 abitantas ed abitants illa chasa da scoula a Susch. La suprastanza cumünala s'ingrazcha per l'interess demuossà e pella partecipaziun activa.

Chamonnas - tratta büs-cha

Per las quatter chamonnas gnüdas scrittas oura ils 2 gün 2023, vain trat oura la büs-cha in lündeschdi, ils 10 lügl 2023 a las 19.30h pro l'entrada da la chasa da scoula a Zernez. La tratta da la büs-cha es publica.